

靈巖山人詩集

靈巖山人詩集目錄

第九卷 古今體詩

五湖載酒集

歸途經泰安道中卽事

馬上曉行得句

江干旅次題壁

舟次梁溪風雨交作有感而書

歸次澣墅關風阻竟夜悶不成寐聊短述

還山

同社諸子小集靈巖山館卽事分得羣字

拊戰歌

銷夏雜詩四首

雜詠庭中花卉九首

木槿

梔子

蕖

榴花

蜀葵

鳳仙花

茉莉花

夾竹桃

玉簪花

暮雨初收殘暑更溽山齋納涼因憶月前觸熱  
行役之苦有感而作

薄暮

贈女校書沈浣秋

怨歌四首

秋望有感

有憶四首

紅樓

翠幕

團扇

畫屏

捉搦歌

房中曲

夜夜曲

攜手曲

宛轉曲

懊惱曲

潛別離

難忘曲

靈巖寺訪寶輪上人不值

南廣寺訪麗天上人

題畫雜詩八首

新涼

見螢火作

聞促織作

聞歌

秋熱

朱范中立山水畫障歌

聞鐘

詠鴨

前題仕女畫障詩六首

西施

虞姬

甄后

梅妃

吳彩鸞

花藥夫人

後題仕女畫障詩六首

綠珠

張麗華

崔鶯鶯

張雲容

劉無雙

小周后

秋燕

寒蜨

秋別曲

屏風

熏籠

題雙柳吟堂壁

香夢齋小憩

落木庵

小閣

遊槐雲寺作

支硎山寺與友人言懷作



客到

客散

出城

紅蓼二首

泛舟泖湖

雜興四首

靈巖山人詩集卷九

鎮洋畢沅秋帆

一字  
穰衡

五湖載酒集

歸途經泰安道中卽事

遊子天涯歸夢濃  
盤旋石路馬蹄慵  
平原草色天連鳥  
遠海風聲雨挂龍  
地僻人澆官廨菜  
徑荒樵盜墓門松  
萍蹤底事堪留戀  
回首心懸日觀峯

馬上曉行得句

風窻破紙嘯如梟  
缺月荒荒墮麗譙  
疲馬短轅長爪客  
五更和夢渡溪橋

江干旅次題壁

日蒸水氣成雲去風捲潮聲作雨來旅館倚樓頻展眺翠  
屏如畫隔江開

舟次梁溪風雨交作有感而書

前村未出霧遙岫又飛電連朝暖過宜固知天欲變舟人  
繫纜處夾岸樹葱蒨昏昏雨腳垂颯颯風力健草根喧亂  
蟲水面掠雙燕無慘對石壁苔蘚綠痕徧迴指西去船帆  
飽流仍便脫纜下坡馬離弦赴棚箭白煙捲柁樓烹魚充  
晚饌飛來如珪月船頭墮一片陣陣涼颼發欲把炎官餞  
夕披綺羅衣晨搖蒲葵扇人情逐冷暖物用何惡善層層  
煙外山深藏不相見忽露一稜青如晤故人面

歸次潯墅關風阻竟夜悶不成寐聊短述

歸被封姨阻維舟傍石隄月移山影近風逆水聲西客枕  
不成寐村雞已再啼倚門虛悵望帆影一燈迷

還山

磴側雲封掃不開曲廊粉壁長莓苔炎風驅馬三千里圓  
月懷人廿四迴孤抱堅貞同硯石飛蹤游戲出琴臺花源  
浣淨征衫土鶴怨猿啼莫浪猜

同社諸子小集靈巖山館卽事分得羣字

坐深衣忽潤小榻對鑪熏電影四山雨松陰一閣雲裁詩  
嫌鶴膝檢帖愛鶯羣晚課經堂鼓聲聲隔院聞

拊戰歌

溪堂花正開紅藕畫長文宴招諸友張弧掉鞅各能軍詞

壇巨壁推韓柳開筵更作卜夜飲百壺清酒兼肥牡射覆  
藏鉤興未闌對壘鏜前還戰拇支離攘臂生風雷偏袒一  
呼神抖擻將兵將將任指揮老拳毒手相持久屈信進退  
天地數指不若人曳兵走負固無妨勝莫驕羸顛劉蹶猶  
反手興高量淺笑公榮未獲一二失八九書窻今日帶宿  
醒清簟閒眠柳生肘

銷夏雜詩四首

石氣涼心骨清風貯小樓不知何處雨預釀一城秋蟋蟀  
語微息梧桐翠欲流欣然書數紙爲應越僧求  
何處堪忘暑鄰庵小石廳假簾新竹綠到榻古苔青瑤冊  
鈔琴譜風櫺誦水經嬾持菩薩戒攜酒每雙瓶

亭午焚如象炎歆欲避難冰壺澄月魄玉宇掣雲翰自不  
因人熱翻思徹骨寒雪峯圖在否側坐卷簾看  
水閣垂楊抱蜩蟬遠近聞雷轟偏散雨風急反祛雲枕簟  
橫庭際敦槃具夜分幸來同硯友露坐一論文

雜詠庭中花卉九首

木槿

露華凝日及逐曉一番新不待風搖撼旋看委路塵分明  
專寵女卽是退房人

梔子

六出翦奇葩淩風氣芳烈邇來贈無人留得同心結瑤窻  
隔簾看謂是林亭雪

護

一叢橫石傍黃金色焜耀我來卷簾看枝枝斂斜照不信  
萬古愁兒女花能療

榴花

種本自塗林繁英最嬌媚紅褰亦何心妒殺珊瑚朶坐訝  
欲風天誰炷雲房火

蜀葵

亭亭紅一丈質賤易生成足能以智衛心但向陽傾旣種  
須拔沽名笑魯卿

鳳仙花

紅白相鮮新開落殊未已背距常分明淩風如欲起只恐

聞簫聲飛入秦樓裏

茉莉花

盆栽海南種移置庭東廊冉冉微風來霏霏吐清香忽驚  
六月雪數點傲斜陽

夾竹桃

猗猗挺碧枝灼灼敷紅蘂開窻欲賦詩含豪窮比擬之子  
倚此君仙源訪高士

玉簪花

龍涎難比香鶴羽猶輸白誰將玉搔頭遺失紅欄側金釵  
十二行相顧無顏色

暮雨初收殘暑更溽山齋納涼因憶月前觸熱行



役之苦有感而作

壁鏗燄颺窻紙破雲氣捲風山雨作步廊垂幔悄無人煙  
竹千竿螢一箇葛衫蕉扇玉紋茵追涼跂腳臨階坐迴憶  
歸程值午節路出邯鄲馬頻墮四野無風日正中汗濕征  
衣塵堀堞田家賣瓜豆棚底暫得停驂心自賀遙遣僕夫  
覓舍館入門先向塵牀臥二更三更寐不成飛蚊撲面情  
無奈四更起辭主人去遠山落月銅鉦大驛樓打鼓天欲  
明近村雞唱遙村和明星漸沒路昏黑隔坂鈴聲辨驢馱  
每逢山店卽題名土壁淋漓墨痕流入秋幸喜得安居日  
飲醇醪吟楚些未知明歲更如何禽言得過聊且過

薄暮

空園薄暮草含煙小立風潭曲檻邊一片多情亭角月特  
扶花影上秋千

贈女校書沈浣秋

綠波淼淼草萋萋銀舫春宵泊翠隄記得鄂君攜繡被挑  
燈話雨越來溪

蛾睂難買賤黃金香草新詞寫素琴數遍石交豪俠少反  
將紅粉結同心

釵頭金鳳蹙鈿蟬雲鬢三盤雅色妍不信玉顏花不及推  
窗頻倚鏡臺前

疑雨疑雲莽是非遠嫌芳跡想依稀鴛鴦水面雙雙宿會  
向荷風深處飛

繡綠花樣愛翻新  
蘭澤輕施翠澤勻  
贈我碧螺如意笑  
言郎是掃眉人

茂陵病起訪雲英  
爲畏人言浥露行  
柳外紅樓春寂寂  
曉風嗚咽玉簫聲

碧闌十二種青棠  
豔冶情懷雅淡妝  
一舸花時閒載酒  
五湖煙月弔夷光

暗卜金錢寫好懷  
容華掩冉錦箋乖  
芙蓉帳底雙鴛夢  
長抱零香上玉釵

怨歌四首

碧玉本情人  
盈盈花底泣  
怨郎郎不知  
背向秋千立  
郎莫拗蓮花  
蓮花貌似郎  
郎莫采蓮子  
蓮子空多房

明從落潮來暗從上潮去宛轉不相逢歡情在何處  
一種好顏色中心兩疑猜不解郎何故將梅比雪來

秋望有感

哀鳴征雁怕宵聽去向前村貰綠醅花隔夕陽樓上笛船  
橫秋水渡邊亭亂煙疑雨無窮白曲嶂如屏不斷青悔殺  
年來但行役漂然湖海一浮萍

有憶四首

商飈一夕起南樓只替風光不替愁愛好數番開月鏡憶  
香頻倩簇花毬分明便面泥金字隔絕仙家紫錦幃天上  
霓裳真絕調漫攜玉笛譜新謳

王昌消息近如何幾遍遙峯蹙翠蛾特地下階還倚竹倩

人補屋欲牽蘿霜天砧杵涼颼急月塞刀環別恨多多謝  
空庭蟲唧唧秋窗伴我繡紅羅

涼雨蕭蕭送晚鐘單衾孤負怨重重沈酣香夢圓難穩反  
覆私書報轉慵繡袴自憐腰瘦削花冠不整鬢蓬鬆天風  
十里瑤臺路青鳥殷勤欲往從

憑欄小立墮珠翹秋草吟殘恨未消苔竹迴風牽荇藻浦  
雲過雨滴芭蕉天孫鵲駕期迢遞帝子鸞旂影動搖斜倚  
熏籠無底事燈花開落坐通宵

紅樓

高樓接太清消息近傾城花隔真如畫簾垂倍有情翠屏  
春早覺鴛瓦月光明五夜銀缸影微風玉笛聲未歸秦弄

玉小住許飛瓊百尺闌干外遙山睂樣呈

翠幕

流蘇垂麗歎羅幙翠裝成臥室遮來暖妝臺捲處晴鉤搖  
猜釧響風揭認衣聲暫得香留住遙疑月不明泥金花爛  
漫繡綠蜨輕盈步履風吹到微褰出戶迎

團扇

碧羅裁作扇名愛合歡佳彩綫縈香纈瓊枝貼篆牌乘鸞  
圖玉女撲蜨借嬌娃障面巡花徑徵歌按水齋十分憐月  
貌一味寄風懷莫引青荷比涼秋心事乖

畫屏

六扇金泥畫紅閨付等閒綠沈香匝碧慮玉交關座上

瀟湘水窗中邊塞山一重一掩處不卽不離間未得親言  
笑微聞響佩環由來蓬島路咫尺限人寰

捉搦歌

築牆護芳樹樹高出牆頭置隄壠春水水急越隄流巫山  
曾行雲漢皋亦解佩神仙尙如此何況塵凡輩守宮窮袴  
拂人性不知天意無一定南北東西移斗柄

房中曲

繡闥交疏金屈戌紅梨花底悄悄室綠屏曲透畫簾垂遮  
護春寒愁不密銀鐙未上日初昏形影堪憐兩相失梅子  
深春諒有仁匏瓜獨處仍無匹幾度金錢卜會期喜逢歸  
妹云征吉

夜夜曲

出戶涼風吹酒醒中門闔鎖人初寢羅襦手攝步防聲悄  
立花間探月影欲行不禁膽惺忪瑤島全憑鳥路通階砌  
每登時慮蘚簾櫳欲度故因風錦衾繡枕龍鬢簪身蹈歡  
場猶蹈險世間第一早行人雖未三號更四點

攜手曲

珠斗闌干月如霰蕭郎謝女時相見鳳脰鐙移擊鼓樓麟  
豪簾下吹笙院憑肩攜手步遲遲顧影低徊有所思春蠶  
每作同功繭文杏多成連理枝蓮漏將停天欲曙伯勞東  
歸燕西去垂楊一樹角門前露葉如嗟手分處

宛轉曲



轉輻雖宛轉中心多胃挂車輪雖宛轉日夜苦行邁歌宛  
轉宛轉復相關移妾匣中鏡脫君劍上鐙一生兩不離銘  
作雙連環

懊惱曲

空中電無久光早秋露不成霜憶初相見時巧笑婉清揚  
坐我芙蓉褥眠我璫瑁牀昨夜牽我衣花底捉迷藏前夜  
酌我酒挾瑟上高堂一言不合意頃刻成參商閉卻東閣  
門鎖卻西閣廂蓬山海隔道阻長黑風白雨天茫茫

潛別離

春池冰陽坡雪夢裏光陰曙天月兩心既有違何必明決  
絕甘蔗雖慙柰多節力盡春花辭故枝隨風無語各東西

難忘曲

一字至  
七字

咄咄酒闌歌歇異香銷古劒折井墮銀瓶路遺寶玦已過  
道傍花乍沈樓角月仙源漁父初歸金谷佳人永訣往事  
重重思不禁莫如五鼓樓廳別

靈巖寺訪寶輪上人不值

紅亭碧樹草茸茸緩棹輕舟探寺鐘電影已成湖外雨日  
光猶在殿西峯雲偏有意歸遙岫鶴本無心戀舊松惓悵  
遠公何處去講堂誰復問雷宗

南廣寺訪麗天上人

放艇劉河訪定僧潮音磬韻遠相磨小窻竹影搖禽夢破  
殿茶煙暗佛鐙鄰有好花乘雨乞壁逢佳句借牋謄遠公

早悟無生法怕上鐘樓最上層

指導師靜公禪師

題畫雜詩八首

日照霜樹紅煙凝暮山紫愛殺小漁莊開門一湖水  
蕭蕭四月雨森森千个竹如此好書堂無人看新綠  
落日動魚梁朔風驚雁陣攜榼入山人去探寒梅信  
隔溪夏木千本隱者茅齋數椽只道雲生欲雨不知原是  
茶煙

連朝山雨潄潄入戶春風側側一夜桃花水生失卻村頭  
釣石

鷓鴣雨雨荻修修殘照西風泊釣舟數曲白沙村上路水  
雲凝滿樹梢頭

萬樹梅花一石臺溪橋凍合雪皚皚山深夜靜寒難耐何處支筇客獨來

寒雲淅淅嶺層層瀑布如虹吐石棧髣髴鐘聲在深竹箇中應有六朝僧

新涼

庭雨如塵潤綠蕪院門鎮日掩銅鋪花殘對酒勾留少病起翻書領畧麤奢願擬求高士宅

時水木明瑟園求售擬構以貯書

癡情猶拜

美人圖隔簾小玉遙相問薄冷須添半臂無

見螢火作

積雨經旬餘宵行忽熠燿冉冉出深篁暉暉度孤嶠露重不會霑風高恐將燎入戶伴相趁臨池影獨照羅扇小鬟

擎紗囊書客倣偶向廢園尋又經荒冢弔憶昔舟夜行空  
灘泊孤櫂是時月未生青林鳥羣嘯熒熒數十點來往復  
縈繞遙疑朝百靈神鐙紅出廟

聞促織作

虛堂風乍停新秋夜初永露光溥紅莎陰氣聚古井坐聽  
候蟲鳴唧唧苦悲哽中庭印月痕高磴落梧影境幽聲愈  
繁聲繁境益靜可憐良士心悚然發深省歲聿云莫矣壯  
志何由騁遙念深閨中此時心亦警軋軋弄機杼敢辭風  
露冷起視樓角前銀河白耿耿

聞歌

沈沈桂館燭雙枝對曲尊前有所思咫尺紅窻難卽往天

涯那得遠如期

宛轉歌喉似建瓴白翎雀得未曾聽岫雲漫說無心物行  
到簷前也一停

簾波搖漾月華涼露浥庭花冉冉香不是歌能牽客恨自  
因良夜易迴腸

岑寂秋齋已不禁況拋紅豆屬知音曾云碧海殊無底若  
較閒情未遽深

秋熱

碧落已澂清西風漸蕭屑尙嫌袂衣輕將屆秋分節誰知  
數日來秋陽倏暴烈團扇棄重求珍簟卷仍設蚊蚋勢更  
驕炎蒸氣益結吻燥劇如焚汗流未曾歇妄冀風雲生愈

增肝膽熱有若陋老人宦達近清切謂登離垢天迴與囂  
氛絕神爽體清虛倏又受緇涅抑鬱等煎熬五情倍疲茶  
又若豪門姬空房久拋撇一朝得歡心寵遇軼同列似入  
廣寒府謂永謝淩蔑中道復棄捐煩惱詎堪說不知炎與  
涼造化資蓄泄風雨所由興萬物賴更迭默運推遷權詎  
問人怨悅殘暑諒非久商飈行且掣會見天香飄桂林糝  
丹雪

朱范中立山水畫障歌

有如風雲萬變霹靂飛動陽開陰闢變化不測之奇觀至  
於山水而已極此皆扶輿磅礴天造而地設固非心思智  
慮所能憑空結撰可以絲豪尺寸假借夫人力開軒障子

素壁挂乃是北宋范寬之所畫景光險怪愁逼隘化工袖  
手神鬼賦上有撐空突兀壁立積鐵之高峯下有崩瀉巖  
潄雷輓電走之飛淙孤帆沙鷺出復沒層巒疊嶂糾籠從  
雲連峯斷孤穿二綫有鳥道茅齋隱見松杉中圖窮山轉  
煙靄杳仰視淋漓元氣去闢邃古未闢之鴻濛爾時日色  
方杲杲四壁光明動池沼對之不覺心魂清十丈紅塵豁  
如掃空庭無人麗景遲但見花明柳暗春熙熙南園綠草  
蝴蝶飛青壁丹梯阻前路但聞石泉琤琮競奔注紅葉如  
花隨水去而我恍然逝欲從之行倏爾兩腋習習清風生  
挑圖靜體驗躡身已到雲中城城上瓊樓接縹緲金枝翠  
羽紛丹青仙人綽約顏如玉問之不肖道姓名城南對面



紫霞起殿閣參差五雲裏青鸞對對舞瑤池白虎雙雙臥  
蘭阨恹恍百怪集馮夷擊鼓驅龍啟蟄混茫直恐雲雷顛  
翻然一晤卻起立畫圖猶在眼江山宛如昔古人今人遞  
往來羨門安期安在哉酌酒且盡三百杯今我不爲樂但  
爲後世吟掉頭獨往青山去萬朵芙蓉照眼開

聞鐘

雨濕秋燈暗驚聞數杵鐘風傳清韻遠寺隔翠煙重忽醒  
塵寰夢遐希物外蹤此身疑出世高臥白雲峯

詠鴨

短脰愛鳬雛雙雙名自呼頂毛迷綠水丹背啖青蒲欄鬪  
聞高士褰包笑小姑銀屏繡牀畔睡態籠熏鑪

前題仕女畫障詩六首

西施

錦帆香水泛蘭艫不沼姑蘇恨不降風攬梧宮秋葉落女  
中豪俠古無雙

虞姬

鴻溝失計霸圖空無柰君王意欲東帳外歌聲帳前舞尙  
留一劒答英雄

甄后

永巷悲吟怨莫伸可憐麗質斃讒人無情一夢金縷枕誤  
殺君王賦洛神

梅妃

啼殺宮鴉暮色昏東樓吟冷鎖長門可憐繡嶺同埋玉不  
與華清賜浴恩

吳彩鸞

朝食跨虎入深山唐韻歸來手自刪一飯青精謀不得也  
來買字向人間

花藥夫人

挾弓小影偶流傳此意當時劇可憐未識人間新嫁女爲  
誰香火事張仙

後題仕女畫障詩六首

綠珠

金谷名園冠洛都賦中豪士尙堪呼飛花拌與人同墜直

得當年十斛珠

張麗華

結綺臨春不可論青溪祠畔水潺湲游魂金井鵝脂淚血  
汗寒泉殉主恩

崔鶯鶯

風度如仙畫不真芝蘭情韻玉精神每吟決絕詞三首常  
詈微之薄佻人

張雲容

霓裳歌罷玉成煙寂寞荒墳已百年終使返魂攜鳳侶有  
情第一是神仙

劉無雙

兩美原非易合并  
列身事但爲人成  
世間僕亦傷心者  
盡日焚香拜古生

小周后

春深梁苑草初齊  
歸夢清溪路亦迷  
一片芳心千萬緒  
子規啼月小樓西

秋燕

秋風蕭瑟裏猶見  
兩鳥衣故壘多私  
語空梁少定飛芙  
蓉紅影薄楊柳綠  
痕稀寒信漸相逼  
天涯胡不歸玉樓  
窗盡掩金谷事全  
非戀戀知何意呢  
喃向夕暉

寒蛩

繁霜當十月鳳子  
竟猶存韓掾尋香  
伴何郎褪粉痕南  
園

芳草歇幽徑綠煙昏夜永知無夢風高欲斷魂花房全異  
昔蘆絮可能溫回憶韶華候飄零與孰論

秋別曲

牽牛織女纔相見新涼又見拋紈扇銀漢東流去不迴行  
人況逐西飛燕亭亭畫舸繫橫塘一挂征帆卽異鄉且喜  
風清兼露白尋君有夢夜初長銀屏繡榻聊敲枕團團月  
照人孤寢蟋蟀聲喧寐不成綠窗移盡梧桐影

屏風

綠沈雙扇玉交關潛立時聞響佩環相去箇人盈尺地可  
憐如隔小重山

熏籠

簫局牆居號不同天生心路極玲瓏人間約畧香千種盡  
在溫存籠絡中

題雙柳吟堂壁

此間何異小滄浪真覺閒居歲月長碧柳正遮秋水閣青  
山曲繞夕陽廊詩成老嫗安能解談用偏師未可當漫說  
胸饒經世策儘容小住白雲鄉

香夢齋小憩

雲泉鬱孤想淵靜守無悶虛室青漾漾五嶽起方寸

落木庵

徐高士元歎  
隱居於此

危樓穿石腹雲步幾千層樹白縣湖雨龕紅閃佛鐙茶經  
僧許借隱蹟客能徵一勺天池水擎杯佇月升

小閣

小閣臨沙澈，寒帷夕照時。  
江寒波白早，樹老葉黃遲。  
對酒思良友，凭闌覓好詩。  
梅花消息近，漸放向南枝。

遊槐雲寺作

曲港通潮水，色黃橋危徑。  
仄繞重岡碑，橫莎草龜趺。  
斷巢落槐花，鳥夢香種竹。  
庭寬兼置石，延山閣小不安。  
牆老僧嬾向蒲團坐，缺盃麤茶勸客嘗。

支硎山寺與友人言懷作

踏破蒼苔屐齒痕，彎環一徑入雲根。  
小亭綠篠疑疎雨，亂石紅泉見古源。  
不惜金重鑄，賈島何妨絲更繡。  
平原儻能共踐煙霞約，應憶西窗今夜言。



客到

款門愛客共清言  
活火茶鐺水乍喧  
似塵文綺垂隔檻如  
獅怪石立當軒  
才疎不作狂奴態  
量窄難堪罰盞冤  
知我坐深將出戶  
書帷風恰替人掀

客散

三徑門扃客去時  
重陽未冷菊花遲  
書堪遣悶貧無驗  
茶可妨眠病始知  
據石細窮雲態度  
撫松閒看鶴容儀  
名琴購得龍脣樣  
絕調重彈竹子期

出城

散步出西城  
櫻鞵雙足輕  
霜華凝曉色  
風竹聚秋聲  
雲密鐘難散  
江深雨易成  
兩年京洛客  
贏得是離情

紅蓼二首

五柳門前路東籬佳興同淒迷寒日色蕭颯野塘風疎影  
垂垂遠幽汀曲曲通晚煙遲欲上不定落輕紅  
小立近花叢幽懷晨夕同淡含菱帶雨斜颺藕絲風遠浦  
明霞合疎簾夕照通翛然秋水外閒綴數枝紅

泛舟泖湖

水逆艣無力篷窻望夕陽林巒競奔赴天地各低昂戍堠  
統統鼓漁村小小莊芙蓉紅放處時見睡鴛鴦

雜興四首

寄託聖賢酒結交山林彥忘機逐鷗遊抗懷驚豹變敞廬  
傍五湖手植竹千畹杳淼水亭西一笛漁村晚

雀聲羣啅曉初日明高林霜前花一枝迎風紅豔深嗟汝  
值歲寒力薄何以禁默契榮枯理危坐整塵襟窺牆蟲奇  
峯淨如碧玉簦石上流泉響坐聽調素琴

陸機入洛年知名一何早可憐高達夫學詩身已老有志  
事竟成何妨雙鬢槁昔賢蓬蒿中乾坤在懷抱漫言強弩  
未莫能穿魯縞

莊生取譬蜨老子其猶龍遶遶入夢寐矯矯乘雲風道理  
本一貫粉碎歸虛空擴之六合外約之寸心中靜參元妙  
旨義與孔孟通

秀水門人王復編校

靈巖山人詩集卷九

靈巖山人詩集目錄

第十卷 古今體詩

五湖載酒集

旃蒙大淵獻

子夜四時歌

蕩舟曲

許丈竹素

廷錄

枉顧心遠堂淪茗論詩且訂城

南看梅之約得句奉贈

紅梅十六韻

春遊阻雪

拈花寺

女貞觀贈女冠顏谷蘭鍊師

石帆亭卽事

遊大石壁放歌

和唐人本事詩三首

仲春上浣毛羅照李雲襄

元錦

何晚芳王石亭

邀同竹素先生南園看梅歡飲盡醉薄暮而  
返遂各賦詩以記清賞

春宵

聖恩寺

春夜有嘲

小憩紅雨山房卽事偶成

小園卽事

春晚謠

春江引

春事

染香庵訪雲苞上人  
不遇因留題壁間

靜夜吟

看花雜詠十首

睡起

偶出靈巖山館喜遇吳企晉  
曹來殷便爾留宿

因成長句

山居

桐花

題竹嶼書樓壁

看牡丹有作

初夏招趙丈雲江榕毛山人萬澄錢雨亭濟

吳廉夫維鏐王鎬貽孫燕毛羅照李雲襄何

畹芳弟劒飛文瀾浩延青過王竹娛恭南園

小集潭影軒四十五韻

畫雲樓

深院

移竹

有問

芭蕉

端居

山園避暑作

龍威丈人洞

消夏灣

石公山

縹緲峯

明月灣

莫釐峯

招隱園

獅山道院書贈院主



茉莉花

雲

桐葉

方竹拄杖歌爲敬亭先生作

獨遊

八月十五夜待月

題西溪書堂壁

過張丈永夫

錫祚幽居

夕陽樓晚秋卽景

閒情詩二十四章

有序

放舟

夜泊

江樓晚望

江亭

京口晚泊

登瓜步敵臺口占

寶應道中

題紅心驛壁

東阿道中口號

香河屯夜題逆旅壁

將抵都門寄呈歸愚先生

甌車

煖炕

靈巖山人詩集卷十

鎮洋畢沅秋帆

一字縷蘅

五湖載酒集

旃蒙大淵獻

子夜四時歌

華鐙輝綺閣  
絡角星河垂  
冶容鬢雲流  
芳香泥瓊卮  
妾心如梅花  
冷煖空自知

鏡檻臨銀塘  
寫影紅情重  
纖腰倚蘭橈  
花深船不動  
莫折並頭蓮  
驚破雙鴛夢

霜花滿瑤砌  
絡緯啼鐙前  
衣裁金剪刀  
線短情纏綿  
不知秋已半  
只盼月長圓

複帳垂葳蕤疏窻響風雪偷翻浣花牋詞意多決絕覆歡  
紫貂裘心寒那有熱

蕩舟曲

銀塘雙槳輕輕弄雲水同漁月同夢生來著慣藕絲裳迎  
風尙怯紅綃重

許丈竹素

廷鏐

枉顧心遠堂淪茗論詩且訂城南

看梅之約得句奉贈

踏遍東華十丈塵投簪暫現宰官身雄心任俠猶談劒老  
手登場擅蹶輪芳草情懷詞一卷梅花時節酒千巡扶鳩  
直立煙霞骨始信青蓮有替人

紅梅十六韻

一笑冰姿失嫣然別占春靈芸初灑淚萼綠乍爲人縞袂  
從頭換紅綃貼底新本來殊面目此日越丰神蠟炬迎歌  
扇矚瑜襯舞茵折腰翻掩映暈靨恰調勻枝濯胭脂雨香  
凝沆瀣津錦屏長袖影瓊合畫匳珍國色惟隨意濃妝愈  
稱身鉛華寧有主風格本無倫絳雪疑飄袖丹霞慣抹脣  
點宜壽陽額妒怕楚宮顰抱素偏忘故研朱難寫真珊瑚  
勞遠夢金粉憶前因擁髻偏愁豔迴眸薄帶嗔晴烘斜照  
裏煖玉碎纖塵

春遊阻雪

溫經多暇趁身閒遊屐空隨飛鳥還欲向梅花問消息冷  
香十里塞雲關

拈花寺

萬頃湖光萬樹梅一峯欲去一峯迴  
亂雲迷卻招提路偏放鐘聲導客來

女貞觀贈女冠顏谷蘭鍊師

丹房宛轉水雲幽半洗鉛華半洗愁  
刪竹只爲調鶴地掃花先擬抱琴遊  
吸噓靈景排瑤闕表裏神霄隱絳樓  
吟罷碧闌頻徙倚梅花數點證清修

石帆亭卽事

臨水新亭勝石帆我來恰值日西銜  
寒偎小榻嫌貓嬾飢啄殘梅笑鶴饒  
詩爲狂吟翻近古書因醉筆更超凡  
扶簷淨綠能消暑好護叢篁莫浪芟

遊大石壁放歌

三面絕壁一面湖水天黏凍雲模黏何年驚嶺峯頭飛來  
一片石俯插蛟宮鼉窟杳森無底之具區具區三萬六千  
頃翠屏如畫展半嶺諸天金界踴圓輝波光倒浸古佛影  
金庭玉柱隱現煙霞中亂峯環列狀不同三吳奧境此第  
一一氣鼓盪翻鴻濛前朝憨山大師卓錫住此間魚龍聽  
法眠幽淵靜悟須彌藏芥子眼看滄海變桑田東吳西楚  
兩兩洞庭真奇絕太湖亦名洞庭湖君山瑟沈石公波齧湘靈墓前  
斑竹叫子規龍威洞裏金簡守饕餮長江浩浩迢隔三千  
里林屋古洞直達巴陵之地穴禪燈一盞夜半搖天風奇  
情幻景收拾鐘聲中太古此石劖不得山中山外雲充塞



天茫茫風側側雪爲海香爲國梅花萬樹空卽色

和唐人本事詩三首

春風顏貌遠山睂曾見西廊獨立時致竟不知緣底事海棠折得又相遺

青琳閣宇紫雲房錦瑟年華尙閉藏閒誦唐詩聞阿母有人十五嫁王昌

爲輯妝臺記事珠璣窻破卻繡工夫未知韓偓香奩體會荷霜豪載入無

仲春上浣毛羅照李雲襄

元錦

何畹芳王石亭邀

同竹素先生南園看梅歡飲盡醉薄暮而返遂各賦詩以記清賞

二月春風未放顛清遊同醵杖頭錢平泉廢入香林界名  
士同參老衲禪臚拜人稱詩弟子飛行公是活神仙傳箋  
不惜金尊倒清思新添瘦鶴邊園中老梅一株王文肅公手植里人稱爲一隻鶴今歸入繡雪堂僧舍矣

### 春宵

露冷風清欲二更赤闌干外月初生海棠我睡無人伴堅  
忍春寒坐到明

### 聖恩寺

偶入林間寺回崖積翠重茶香三月雨佛火一樓鐘窻小  
青山滿碑殘碧蘚封高僧無慧遠誰解問雷宗

### 春夜有嘲

紋楸碁歛罷繡榻枕頻敲花密風來小樓高月下遲閒論  
飛白字細和比紅詩只有揚州夢猶輸杜牧之

小憩紅雨山房卽事偶成

六班嫩碧泛茶甌詩境因閒得徧搜天氣作陰人睡美硯  
池經潤墨香柔廊空飢雀時爭食庭敞風簾自下鉤清味  
有誰知領畧博山一穗篆煙浮

小園卽事

濁醪滿酌竹根杯分得詩題句未裁薄靄作陰催客去落  
花如雨挾香來簾開忽露三分月地掃全呈一片苔爲護  
藏書思卻蠹自添石葉撥鑪灰

春晚謠

鑪火微篆香霏一絲上架縈薔薇脫繭青蟲成蝶去戀雛  
紫燕環巢飛南國春人憐獨處繡牀憑夢尋橫浦不情何  
物攪幽眠花閣紅扉擺風語

春江引

天冥冥波泠泠水鳥雙飛沒遠汀煙拖弱柳垂青帶雲抹  
遙山展翠屏拍岸濤聲打船尾千里征帆一瞬耳款款桃  
花側側風新雨春灘上紅鯉

春事

闌珊春事待何如清簾疏簾賦燕居漸覺養生能止酒未  
甘忘世爲知書閒情聊借鑪香遣綺語難憑佛說除自笑  
青年太無賴枇杷門巷數停車

染香庵訪雲苞上人不過因留題壁間

古寺重過已夕曛支筇又作離山雲出花清磬隨風遠繞  
石紅泉共鶴聞暗壁拂塵看畫像曲廊扶藓認碑文淹留  
未去無他意疑義遲君晰所云

靜夜吟

畫堂十二曲闌干風薄羅襦怯夜寒人向棗花簾外立如  
梳月上四更殘

看花雜詠十首

尋芳亦且試春衣風力清和日影微四抱菜花黃不斷板  
橋橫澗一柴扉

名園深鎖好樓臺文杏牆頭爛漫開引得遊人爭惋惜一

街紅雨濕蒼苔

木瓜花放最堪憐  
香旣醺醺韻亦妍  
想見月來人去後  
淡紅深罨一廊煙

東風一夜雨痕銷  
是處桃花各逞嬌  
春到此時天不管  
任將寰海卷紅潮

一架酴醿綴白雲  
午風吹煖氣氤氲  
憑闌我已心先醉  
不必金尊酒十分

昨夜光風入碧叢  
春霞鋪滿曉山中  
非花本色能如此  
多是曉鵲血染紅

似此玲瓏白玉毬  
化工雖巧費雕鏤  
孟婆少女無情思  
盡日閒庭滾不休

甌碧鞋紅各鬪奇繁華獨擅暮春時香山樂府無人誦偏  
愛青蓮醉後詩

數枝芍藥插花瓷白白紅紅競弄姿怪底錦屏人不愛惡  
聞名字是將離

十里春山一徑斜青帘遙颺酒人家小園短短籬笆護開  
遍千囊米穀花

睡起

新晴池水碧淪漪睡起芸窗捲幔時伴讀侍兒愁太甚盡  
又連葉摘梅枝

偶出靈巖山館喜遇吳企晉曹來殷便爾留宿因  
成長句

偶爲蒼崖斷碣文不辭移屐扶苔紋竹樓鐘落五湖水松  
塢僧歸一笠雲紫蕨最宜和露擷黃鸝偏愛隔花聞無心  
喜值同袍友茗盃熏鑪坐夕曛

### 山居

占斷巖阿板屋幽木高篁密綠陰稠石當小沼排千笏樓  
放遙峯出一頭鶯老花殘無客過幙重房曲有香留此間  
絕異人間世四月餘寒擁鹿裘

### 桐花

吾愛小庭前紫桐花一樹娟娟媚晴景的的明春露幽窗  
清興生疎箔微香度悠然趨古淡卓爾守寒素憶昨晚眠  
時幽夢忽無故一張綠綺琴萬里丹山路相逢玉籍人各



贈瑤華句覺來涼意深碧影紅窻暮

題竹嶼書樓壁

危樓瀟灑見亭皋傍石依崖結構牢  
碧草風微團蛺蝶紅林雨久爛櫻桃  
營成田圃功名薄戕到蟲魚筆札勞  
盡日賓朋常滿座彈碁說劍各分曹

看牡丹有作

暖豔輕烘穀雨朝雲廊風幔恰周遭  
分明學士瀛洲宴半醉詩成賜錦袍

麗色柔枝絢曉霞錦屏幾疊畫闌遮  
百花品格多高逸笑爾偏名富貴花

何辭一顧費千金面帶朝醒暈淺深  
天意恰憐花畏日故

教無雨也春陰

春到將殘故出奇似嫌平淡少人知東皇別換生花筆也  
作齊梁金粉詩

初夏招趙丈雲江榕毛山人萬澄國錢雨亭濟吳

廉夫維鐸王鎬貽孫燕毛羅照李雲襄何晚芳

弟劒飛文瀾浩延青過王竹娛恭南園小集潭

影軒四十五韻

有客每無酒酒人多憾貧有酒忽無客雅懷何以申急遣  
長鬢奴折柬招詩人又嫌近市居偏仄雜囂氛廊古苔甃  
濕堂深畫軸昏我友有幽棲儘可供盤桓同心連袂過文  
史恣評論匣中琴有絃几上硯無塵圖卷品唐宋彝鼎列

周秦坐深理趣遠語率性情真園中何所有奇石勢嶙峋  
花落人未掃猶爲惜餘春竹根萌抱擇梅樹子含仁紅薇  
錦步障翠蘚玉紋茵碁局設亭角茶鐺安石屑各出懷中  
詩激賞互更番麗思裁雲霞鴻章琢琳琅招邀入東齋軒  
楹如小輪挂起符簷窻潭水碧沄沄翡翠時往來蘋藻相  
鮮新敗牆垂薜荔枝條一翦勻倒影入澄波綠極欲生雲  
偶見一葉落水面生圓紋天然好圖畫妙筆應難皴入夜  
肴榼具疑年坐不紛青袍對白髮誰主誰是賓紅珠櫻的  
歷白玉筍輪囷季倫誇菽乳嗣宗詡蒸豚觴政循環董詩  
牌取次分丁丁投壺矢淵淵擊敵鏝巨觥曾百罰小璣約  
千巡歡呼語拉雜蓮漏杳莫聞起問夜如何北斗已闌干

竹梢煙裊裊花杪露溥溥參橫月漸落酒盡興未闌更思  
秉燭遊隔溪敲僧門問梅古禪院水木翳荒榛平泉擅勝  
概彈指轉飛輪烏衣舊第宅零落黃花殘當年會裙屐此  
日供梅檀蒲牢吼後夜猛省忽忘言碧窻瘦鶴影疑我是  
前身壁間香光筆尙留鴻爪痕古人不見我我道古人存  
今夕清遊樂寧殊話雨晨

東房有董思翁畫壁上題話雨二字蓋與翁公  
徵君同遊時作也今閱百有餘年而粉墨完好

書畫雙絕前輩之文采  
風流宛然可想見矣

### 畫雲樓

連朝策杖亂山間嵐氣空濛木石頑歸到小紅樓上望一  
時都化綠雲鬟

### 深院

芭蕉舒葉筍成竿  
深院垂簾隔石闌  
五日東風十日雨  
綠陰雖好卻添寒

移竹

爲趁春泥雨未乾  
脩篁移得兩三竿  
此君差覺栽培易  
高士須知位置難  
擬待閒時供嘯詠  
好從新地報平安  
曲廊憐爾真如畫  
刷羽襍褊立翠鸞

有問

湘簾不下篆煙殘  
答願雙旂繡彩鸞  
蕉葉長齊梅葉密  
紅窗可耐綠陰寒

芭蕉

不須枝與節得葉自成章  
一卷心難了斜紋紙數張  
涼生

三伏日綠殺小紅廊我有懷人句時書墨幾行

端居

仲蔚端居得自強班圖馬記任評量竹間不雨苔常潤池  
上無風閣亦涼古劒要逢奇士說名山可有異書藏熏鑪  
茗盃晴窻下真覺身閒晝倍長

山園避暑作

金鴉肆炎威風輪力難拒逖跡雲泉窟鷗鷺狎幽侶何地  
最清涼小亭竹深處蕭蕭復蕭蕭箇中秋已貯手把一卷  
書磐石容箕踞日色不下地古苔碧盤互鶴鳴空谷膺覓  
侶誤飛去

龍威丈人洞

元工弄狡獪奇境入雲骨石岬一竅穿包山通地脈幽光  
淪重淵虛魂蕩咄咄紅鐙照青壁驚飛蝙蝠出透迤蛇伏  
進偈仄礙排闥仰聽波濤聲滅頂怕汨沒凝墮三泉底萬  
古悶日月潛飈嘘龍鯉凜慄豎毛髮摩挲隔凡字云是仙  
人筆林屋石扉深金函沈禹穴

消夏灣

幽香迷客思曉起呼刺船溯洄忘近遠十里花連天清風  
搖萬柄田田滿白蓮水月濯靈魄花葉相新鮮嘉名玉環  
稱無色香彌妍停橈訪蘭谷寶相金輝圓采采芬陀利梵語  
也自蓮供佛結淨緣沿山小村落塵囂遠市廛人家住水閣  
一鏡澄清連紅闌排已字推窗攬雲煙銀塘映寒碧萬木

濃陰連人間炎曦色不到湘簾前花光共人影一樣矜嬋娟荷珠虛盪漾藕絲長纏絲鴛鴦不成夢美人抱香眠

### 石公山

洛洞演餘瀾盪激幾千歲咸池轉一氣下注膏液滯石爲氣之核幻作飛雲勢屬面遺彈窩劈空雷斧製龜首極鬼工詭妙非一例宛轉翠潤姿鑱刻絕冥詰片片出玲瓏影奪芙蓉麗層累呈重臺紛敷舒並蒂昔聞瑞雲峯勅取宣和制零落花石細輦致列甲第金錢糜役費重以萬牛曳茲遊偕石交甲乙愜神契山家置園亭結構水雲際喬林挂凌霄短垣纏薜荔霜老橘柚林戶輪桑麻稅鄉鄰敦洽比懷葛風未逝卜居有夙約石公邀我誓鷗鷺伴幽蹤漁



樵結賞襖三間石壁窩著書足流憩清供環萬笏不煩南  
垣砌一舸遠風波漫設五湖計盍寄瘞九淵可惜占未濟  
智窮鐵網收力乏長繩繫雲根泣靈滋終古鮫宮閉

縹緲峯

一痕青不了遙峯淡光景動搖虛無中萬變幻俄頃瓜艇  
繫柳根窘步怯孤逞攀蘿縱飛屐線繞雲林境元妙紆神  
遊幽奇愜心領橫空雙白鶴引予度煙嶺微聞蕭寺鐘杳  
隔層峯打飛幬逼紫霄擲杖翠微頂四而失巉巖驚濤絕  
寸町游魂倏九逝飄忽碎鴻萍金庭玉柱間境共三山迴  
寰瀛包笠澤隻軀騰鼎鼎蔚藍天一色秋水神俱永月鏡  
晚籛空倒浸雲鬟影

明月灣

水光卽月光默印心心法俯仰雙圓靈貯我芙蓉匣琉璃  
闕世界浩歌擊蘭楫波縈洲迴環葭菼接雲雲柴門傍水  
柵溪口纜輕艫主人愛客至款迎停步履嬌娃采菱芡童  
兒放鵝鴨上市沽松醪煮蔬佐一呷飛觴醉明月老蟾亦  
退怯青天碧海心身疑瓊戶入高樓涼風發人間落秋葉  
婆娑桂花樹夢與仙姝接寂寞廣寒遊露氣天香裏霓裳  
漾靈音玉笛試偷摩

莫釐峯

波高縱棹入夾港菰蒲深帆影泝流光飛濤濕翠岑遭塗  
越魚市細磴穿松陰鄰園林檎熟累累垂黃金花妍竹密

處款扉討幽尋人沿揖讓俗戶聽絃歌音衣裳守樸素不  
古亦不今百盤窺洞壑谷口雲霏霏石上太古苔素痕屨  
齒侵奇峯七十二浪花森崒嶽有天眩仰睇無地怵下臨  
蕩蕩虛浮境難擊靈鼇沈水精鑿仙窟香霏珠樹林女冠  
勤焚修霞巾插犀簪白鶴伴予影白雲洗予心夜涼星斗  
上閒寫紫瓊琴

招隱園

罨畫淡湖光闢此雲林窟元老拂衣歸肯爲謝朝謁明社  
將陸沈委鬼亂宮闕眼見九鼎墜力難繫一髮排闥叫望  
帝冤灑杜鵑血招隱豈真隱心事昭然揭抗疏鋤大憝青  
史光日月遯迹阻龍淵身世付淪忽午橋滄桑後芳草久

銷歇臺傾曲池平陳迹寒烟沒鬼狐作人形夜深叫咄咄  
鄰村牧牛兒吹笛臥闕闕婆娑撫嘉樹愛惜安敢褻典型  
雖云遙流風幸未沫當年憂國淚林泉灑滂渤堂前翠峯  
立猶如擊闕笏白楊三尺墓勒銘賸遺碣悲憤作靈濤盪  
激貞臣骨

獅山道院書贈院主

因尋法善抱琴過曲院垣頽挂薜蘿疊石長廊苔色古碧  
梧高閣雨聲多偶隨童子看招鶴閒仿癡師擬換鶯棲處  
紅塵飛不到羨君占斷好巖阿

茉莉花

佳種移南海花瓷供曲廊忽驚三伏雪偏作五更香翠茗

言集卷一  
珍春焙紅窻助晚妝閒談晉遺事插帽太清狂  
三

雲

一嶂崢嶸天盡間秋郊乘興擬躋扳須臾日落風生後始  
覺能移不是山

桐葉

高桐聲策策小閣影離離空階一葉落消息秋應知志士  
忽生感脩名恐後時含情坐磐石拈筆題新詩歲旣不加  
閨圭仍未可期只慮涼風起兼愁白露滋草堂在幽谷月  
透讀書帷底須鵲觀移植鳳凰枝

方竹拄杖歌爲敬亭先生作

方竹作杖古罕傳先生珍重齋中懸庠理瘦骨果可愛虛

中密節能清堅須知異物非世有蛟龍變化來深淵往往  
雷霆風雨夜壁間爪甲聲鏗然宜乎人間好事者搖佈吻  
舌疑神仙具云定海靈峯上葛仙鍊石由飛躋偶遺竹筍  
植諸地化成貞幹淩風煙僞書荒誕皆類此推說事理尤  
鑿穿宇宙中含萬品彙因形賦質隨方圓想公愛此自有  
意君子豈爲異說遷因其形植甚正直雖露圭角無旁偏  
似有廉隅難犯色好憑終始相周旋不然柯亭好材幹猶  
以模稜付燒然公云意皆不在此胸懷五嶽已有年同行  
聊作木上座扶持危險將賴焉煙霞養性吟養壽酒壚且  
脫杖頭錢

獨遊

獨遊隨遠近拂面野風清  
喚渡山遙應移舟樹倒行  
探幽雙足健入險萬緣輕  
便欲移家具看雲了此生  
落日下西嶺沙村半掩扉  
鳥投崖路去客背寺鐘歸  
世事入山減狂懷與俗違  
不知何歲月長著薜蘿衣

八月十五夜待月

移牀還捲幔待月坐前墀  
但得清光滿何妨出海遲  
片雲高不落孤笛靜相宜  
最愛西池上幽香滿桂枝

題西溪書堂壁

月照竹下池水光倒搖屋  
几榻與簾櫳一色上寒綠  
中有悟真人坐檢黃庭讀  
一卷猶未終山童報茶熟

過張丈永夫

錫祚幽居

每想清談卽詣君石堂捲幔坐斜曛秋溪新漲平橋板小  
艇空停宿野雲柿葉常收充紙寫松花自拾當香焚家無  
擔石尋常事菰米閒春與鶴分

夕陽樓晚秋卽景

西風微透袂衣涼畢竟幽居意味長局傍明燈分黑白林  
深隔浦間紅黃鷗閒趁食隨波沒鵲巧營巢覓草忙空谷  
漫嫌人蹟少停雲多在錦雲莊

閒情詩二十四章

有序

街臨鶴市戶戶吹簫果引羊車人人倚玉時則雙橈  
畫舫春水初生三月銀塘真花未落才子則飛觴飲  
袂麗人亦結隊湔裝有美清揚無端邂逅桃花片片



迷洞口之仙源柳線絲絲掩樓頭之珠箔尋香國於  
白公堤畔識傾城於紅雨聲中明月爰作蹇修燕子  
聊充侍媵題薛家之牋紙雲煙亦絢靈懷贈霍氏之  
寶釵粉黛偏饒俠骨丁簾鏡檻同掃長睂甲帳衣熏  
空橫角枕早慧自傷薄命妙印心心多情只解憐才  
盟申旦旦卿還未嫁肯吟山上蘼蕪花放將離翻怨  
闌前芍藥我之懷矣誰則知之俄而蜨妒蘭貞鴛驚  
菱折琴聲夜寂舄影朝飛情豈能堪泣將安訴絳霄  
青靄迴眸迴斷仙緣紫帔黃繩彈指頓消魔劫華陽  
鶴去難通閨苑之書碧落蟾寒空撫廣庭之樹其地  
則瑤池翠水其人則天上人間渺神女之靈蹤疑雲

疑雨修瓊樓之祕牒非鬼非仙管絃杳寂聲聞漫譜  
曲中紅豆金翠渾忘色相竟成火裏青蓮紈扇招萼  
綠之魂玉壺貯靈芸之淚沒則已矣傷如之何每當  
涼月在牀清霜入戶情絲易亂夢境多岐守此淒燈  
悄焉長夜蕉窗則雨翻悴葉綠到吟魂菊院則露浣  
幽香淡於人影情緣境幻果自因成女冠半係詩流  
或是飛瓊小謫騷客例多情種聊同平子工愁今夕  
紅燭光前恍感西施之夢幾時青松林外重澆蘇小  
之墳偶托豔詞藉抒長恨云爾

娉嬭身裁掌上珍不工巧笑不工嗔名香掩被熏心暖寶  
鏡臨花寫貌真月皎靜憐鴻墮影簾深悄怕燕窺人妾身

如玉心如石信誓何勞旦旦申

經營溫室共涼堂十二雕欄八寶妝么鳳釵孤如意合雙  
鴛被稱合歡牀天孫雨泣章難報神女雲蹤夢漸荒諸事  
到頭誰料定那煩絮語費商量

有情人帶幾分癡意自纏絲理自持玉暖最貪環善轉金  
寒生怕玦將離新移竹禁狂飈擺未綻梅防冷雪欺到得  
香殘燈灺後一宵清夢更誰知

跡密難防女伴哈心同那得倩勞媒悄無人處門長掩待  
得花時我再來冷翠鎖雲籠畫檻亂紅飛雨落瓊臺滿庭  
春色難闕住怎遣芳情便作灰

金石何如妾意堅花顛月倒度年年短長也怕人來說進

退難教我獨專柳線縈殘愁萬縷荷珠蕩碎淚雙圓此生  
眉背星前約懷袖猶攜舊合鈿

纔捧心時又病牀藥鎗茶臼日厭厭儘知郎意翻逢怒不  
畏人言卻避嫌情重怎禁緣未泊恩深只許夢先霑幾番  
鏡聽兼錢卜私語紅兒報吉占

芳草春波畫舫橫尊前邂逅識傾城不言私喜睂能語未  
許先教目已成蕩槳珠娘歌月子彈箏盲女問年庚瓊簫  
吹遍揚州月一夕相思了一生

鳳尾梢雲種萬竿金閨藉爾報平安名燈比月稱長滿紈  
扇當風謐合歡失意萍蓬岐路易有情眷屬一家難錦屏  
近駐游仙夢不去清都跨彩鸞

目斷紅樓佇所思相逢不語意何居聊爲爾爾休猜予知  
是卿卿卻問誰夜露最防汗繡韞春風只怨透羅帷碧桃  
豔似奴顏色纖手推窗拗一枝

卜謫人間作蹇修不嫌自薦亦貽羞雙緘金寫三秋怨一  
串珠穿萬斛愁自有精誠通夢寐何須夙夜抱衾裯芳洲  
滴盡相思淚霜老芙蓉總並頭

輕帆遠送碧江頭雁背斜陽淡不留書意怨風還怨水琴  
心宜月又宜秋鬢梳逾薄光添膩睂剝剛平翠欲流促織  
亂吟妝閣畔伴儂寂寞替儂愁

心心默叩感千端欲出蘭房寸步難無可奈何猶計較不  
須如此益辛酸羣芳漸次回春色瘦骨終憐怯曉寒歡若

遲來花落去，有教孤負好闌干。

眞色翻嫌入世妝，不施瓊佩與珠璫。落花到地心纔死，飛絮漫天意太狂。呼婢通頭臨畫檻，背郎垂手立銀塘。愛看兩兩鴛鴦宿，偷度金針去繡裳。

淒淒夢雨一春中，地久天長誓始終。按拍填詞嫌綺語，買絲繡佛趁餘工。密參正果因還見，悟徹拈花笑亦空。懊惱自今都破盡，飄零無夢弔殘紅。

門前烏柏噪殘鴉，綠幙紅油密密遮。月自如雲雲如月，花應憐妾妾憐花。涼添半臂擎銀燭，豔出全身隱絳紗。委地髮嫌雲影薄，宜人紉纈更些些。

鴛鴦微熏試睡，猊沬花牋紙。句親題，回風搖蕙香仍在。急

雨吹萍影漸迷袖約腕闌塗簡翠心通髮導覓靈犀兒家  
近在牆東住莫放驕驄逞玉蹄

瓊華凋謝只須臾枉費君家十斛珠心事未明惟證佛病  
源難說只祈巫鳥言綺閣憎鸚鵡鬼語涼庭怨蠅蛄角枕  
橫陳難妥貼絲絲愁緒結流蘇

霧縠雲窻漏碧蟾安排屏几總清嚴舞塵蓮瓣雙弓窄琴  
拂蘭芽十指纖敲斷紫釵恩不斷繡添紅線恨同添敢綠  
薄命多尤怨福慧人生那得兼

漏滴銅蓮夜氣沈霜華涼到繡羅衾靈修香草同千古靜  
女名花共一心風雨情懷揮兔管水雲蹤影託烏欵空房  
莫唱刀環曲纔下重簾跡便深

金屋才名擅博聞，謝家道韞左家芬。  
玉臺春冷蟠龍鏡，珠匣香消舞蜨裊。  
寄遠有詞多決絕，書空無計訴殷勤。  
劇憐繡被無情甚，不向舟中覆鄂君。

銀河縹緲憶吹笙，聞說仙人住碧城。  
事處萬難忘入道，塵超千劫尙牽情。  
紫瓊冠製蓮雲樣，綠綺琴調松月聲。  
白鳳鞭笞青鳥斷，更無消息到瑤京。

木落空山劒氣青，凭闌想見舊娉婷。  
精魂應認三生石，風露仍搖九子鈴。  
繡幙衣香塵昔昔，畫廊屨影月冥冥。  
踏青曾記逢寒食，一院梨花雙板局。

愛河無岸浪空翻，精衛難銜未了冤。  
第一鬢雲流麗色，初三睂月記情痕。  
青山夜雨貞娘墓，紅樹斜陽倩女魂。  
門巷



寂寥花黯淡曲闌橋畔立黃昏

溪山依舊意全非臥剔銀釭醉掩扉芳草寄情工恹恍優  
曇現影只依稀冶游撲蝶遺紈扇感逝哀蟬冷畫衣一種  
愛憐千種恨到頭都化彩雲飛

放舟

風帆帖帖逆波行去向天涯第一程到底多情是流水繞  
船都作別離聲

夜泊

碧蘆紅蓼夜修修繫纜郵亭古渡頭月落山村人定後一  
星寒火出更樓

江樓晚望

楓岸接蘆洲江天玉宇秋薄雲棲素幌皎月入高樓葉落  
知身寄波流覺世浮生涯鴻鴈似空負稻粱謀

### 江亭

空亭將薄暮孤坐動離情遠岫暝無色寒江流有聲漁燈  
古渡小獵火斷崖明何處停橈客臨風一笛清

### 京口晚泊

涼柳疎蟬落照明荻花如雪浪光平過江山絢泥金色繞  
枕波流碎玉聲漁艇趁潮隨月上佛鐘隔岸帶霜清宵闌  
無酒兼無客夢醒秋空一鶴橫

### 登瓜步敵臺口占

寺鐘何處暮餽餽百尺高臺萬木參野色汀煙深似海不

容征客望江南

寶應道中

涼風吹落日瘦馬度荒郊亂葉投枯礪寒禽爭廢巢近湖  
田有蟹遠郭屋皆茅最愛疎籬外青黃綴苦匏

題紅心驛壁

又束琴書向別州青年豈易淡離愁故鄉久住非良計長  
缺仍攜作遠遊翠竹白沙村店暝枯荷折蓼野塘秋牽情  
饒有蕭森景贏得吟牋到處留

東阿道中口號

煙寒日淡度林泉刮面嚴風利似刀斷礪水枯支石骨荒  
村徑仄落松毛迎官古戍人吹角停役殘年社罷磬自笑

出山因底事卻教塵土浣征袍

香河屯夜題逆旅壁

衰草荒寒一徑斜  
栖鴉數點樹桺杈  
亂山破屋愁中月  
半壁孤燈夢裏家  
未見征輪生四角  
可堪岐路復三叉  
少年妄想真無謂  
欲泛銀河博望查

將抵都門寄呈歸愚先生

師門臨去復夷猶  
此後重來更幾秋  
辭岫雲憑風雨意  
隨陽鴈切稻梁謀  
本非老衲常行腳  
未必門生果出頭  
聞說燕臺求駿骨  
媿無聲價等驂騑

羶車

碧罽裁通幃  
征途御冷堪  
嬾眠如繭甕  
趺坐類苔龕  
一任

風棱急全忘雪意酣行行安且穩油壁我何貪

煖炕

炙炭埋牀底溫存曉未灰睡鄉成熱客火伴在春臺無事  
重衾覆偏多綺夢來三竿紅日上猶笑玉山頽

武進門人莊炘編校

靈巖山人詩集卷十